



KENYATAAN MEDIA

www.jkkn.gov.my

UNTUK SIARAN SEGERA

Bil. 32/2022

“ALERT”: JKKN anjur Konvoi Kembara NGO Seni Budaya 2022 melibatkan 70 peserta yang merentasi 5 negeri bermula di Dataran Merdeka Kuala Lumpur- Pahang - Johor - Melaka - Negeri Sembilan dan berakhir di MATIC Jalan Ampang Kuala Lumpur.

KONVOI KEMBARA NGO SENI BUDAYA 2022

KUALA LUMPUR, 20 Disember 2022 – Kementerian Pelancongan, Seni dan Budaya (MOTAC) menerusi Jabatan Kebudayaan dan Kesenian Negara (JKKN) bersama Majlis Teater Negeri Selangor dengan kerjasama Kelab Sukan DBKL, Polis Di Raja Malaysia, Kerajaan Negeri Pahang, Kerajaan Negeri Johor, Kerajaan Negeri Sembilan dan Kerajaan Negeri Melaka menganjurkan Kembara NGO Seni Budaya 2022 bermula pada 20 hingga 23 Disember 2022. Acara pelepasan Kembara NGO Seni Budaya pada pagi ini dihadiri oleh YBrs Encik Khairul Azmir bin Ahmad, Pengarah Jabatan Kebudayaan, Kesenian, Pelancongan dan Sukan Dewan Bandaraya Kuala Lumpur bersama YBrs Encik Rosnan bin Nordin Timbalan Ketua Pengarah Sektor Kebudayaan & Kesenian JKKN.

Konvoi Kembara NGO Seni Budaya 2022 melibatkan motosikal berkuasa tinggi (500cc) yang terdiri daripada NGO Seni Budaya dan juga kelab motosikal berkuasa tinggi yang aktif menjalankan Program Tanggungjawab Sosial Korporat (CSR). Ia melibatkan penyertaan seramai 70 orang yang akan merentasi 5 negeri bermula di Dataran Merdeka Kuala Lumpur- Pahang – Johor

– Melaka- Negeri Sembilan dan berakhir di MATIC Jalan Ampang Kuala Lumpur.

Objektif utama program ini diadakan adalah untuk menyemarakkan dan mempromosikan seni budaya kepada masyarakat tempatan selain untuk mengeratkan lagi kerjasama jabatan bersama NGO seni budaya dan masyarakat setempat.

Salah satu pengisian program ini adalah Penyerahan Sumbangan Rebana Keras dan Keperluan bagi Rumah Anak Yatim / Miskin Sultan Salahuddin Abd Azizi Shah Al Haj, Pantai Puteri, Tanjung Kling, Melaka pada 22 Disember 2022. Selain aktiviti seni budaya seperti persembahan muzik tradisional Ghazal, muzik tradisional Rebana Keras, persembahan Teromba, persembahan Bongai dan juga persembahan tarian tradisional para peserta juga akan terlibat dengan aktiviti gotong royong membersihkan kawasan bersama penduduk kampung, gotong royong di Rumah Anak Yatim / Miskin dan juga meraikan anak-anak istimewa di Pusat Pemulihan Dalam Komuniti (PDK) Cahaya Murni, Port Dickson Negeri Sembilan.

“Program Kembara NGO Seni Budaya ini merupakan inisiatif JKKN untuk terus menyemarakkan aktiviti seni budaya dan juga Program Tanggungjawab Sosial Korporat (CSR) bersama para peserta konvoi motosikal berkuasa tinggi selain dari mempromosikan tempat-tempat yang menarik dan mengukuhkan kerjasama erat jabatan bersama NGO serta penggiat seni budaya”. Kata Encik Rosnan bin Nordin Timbalan Ketua Pengarah Sektor Kebudayaan & Kesenian JKKN mewakili Ketua Pengarah JKKN dalam kenyataannya hari ini. Bagi mendapatkan maklumat dan keterangan lanjut mengenai program ini, orang ramai boleh melayari media sosial JKKN melalui pautan www.facebook.com/mysenibudaya.

-TAMAT-

Dikeluarkan Oleh:

Unit Komunikasi Korporat

Jabatan Kebudayaan dan Kesenian Negara

Tel: 03-2614 8200 Faks: 03-2697 0786

Laman Sesawang: www.jkkn.gov.my **E-mel:** ukk@jkkn.gov.my

Platform Media Sosial Rasmi JKKN:

Facebook: @Jabatan Kebudayaan dan Kesenian Negara dan

@mysenibudaya

Instagram, Twitter & YouTube: @mysenibudaya

Untuk Pertanyaan, Sila Hubungi

Mazidah Binti Mustapha Pengarah Unit Komunikasi Korporat, JKKN mazidah@jkkn.gov.my Tel: 03-2614 8200 / 012-952 2095	Mohd Faiz bin Nawawi Pegawai Kebudayaan Unit Komunikasi Korporat, JKKN faiz@jkkn.gov.my Tel: 03-2614 8200 / 011-3210 6486
--	---